

四庫全書

史部

欽定四庫全書

史部

長安志卷二十七至  
二十

詳校官左都御史<sub>臣</sub>李綬

編修<sub>臣</sub>程嘉謨覆勘

總校官編修<sub>臣</sub>王燕緒

校對官中書<sub>臣</sub>李奎

謄錄監生<sub>臣</sub>徐紹城

欽定四庫全書

長安志卷十七

宋 宋敏求 撰

縣七

櫟陽

涇陽

高陵

乾祐

渭南

櫟陽

櫟陽縣

唐畿今次畿西南至府九十里

本秦舊縣獻公自雍徙居焉漢

高帝元年項羽以司馬欣為塞王都櫟陽如淳曰櫟音

藥二年高帝為漢王還都櫟陽七年徙都長安高帝既

葬太上皇於萬年陵遂分櫟陽置萬年縣以為陵邑治  
櫟陽城中故櫟陽城亦名萬年城王莽改曰師亭後漢  
省櫟陽入萬年後魏孝文太和二十二年析萬年置鄆  
縣宣武景明元年又析置廣陽縣屬馮翊郡周明帝二  
年省萬年入廣陽高陵二縣更於長安城中別置萬年  
縣廣陽仍隸馮翊郡隋開皇三年罷郡以廣陽隸雍州  
唐武德元年改為櫟陽二年析置粟邑縣貞觀八年廢  
粟邑入焉天授二年隸鴻州大足元年還雍州



縣境

東西五十三里  
南北三十一里

四鄉管四里

唐二十五鄉元和元年析大澤鄉隸富平  
縣奉豐陵十五年析萬年鄉隸奉先縣奉

景陵餘  
不傳

五陵鄉在縣東管平定里

清州鄉在縣西北管奉尊里

永豐鄉在縣東北管芬芳里

寧遠鄉在縣西南管高唐里

縣城周三里

標陽鎮在郭下

粟邑鎮在縣東北三十四里石川河東

莽曰  
粟成

渭水渡七西抵高陵縣東至下邳縣

田王渡

田家渡

周夏渡

聖力渡

萬安渡

耿渡

孟渡

石川河渡二並在縣東

橋渡

粟邑渡

渭河西自高陵縣界來入縣界流入下邳石川河亦曰

沮河在縣東三十里自華原富平兩縣來入縣界合渭水水經注曰沮水東經萬年故城十三州志萬年縣南有涇渭北有小河謂此水也

五丈河在縣西南今涸

清渠在縣西耀州界青冶谷水下流也自三原高陵縣界來入白渠至縣界合渭水

五渠其水自洪門分入高陵縣北下並入渭水

中白渠

從北第一斗門七

析波渠

第五斗門二

中南渠

第三斗門七

高白渠

第四斗門二

隅南渠

第五在北原之南斗門一

煮鹽澤在縣南十五里澤多鹽鹵符秦時於此煮鹽周二十里

清泉陂在縣西南十里多水族之利

畦時在縣東北三十里史記秦獻公時櫟陽雨金自以得金瑞故於此作畦時櫟陽以祀白帝晉灼曰形如種韭畦時各一土封

古縣城在縣北東西五里南北三里

漢師德宮在縣界

翊唐觀在栗邑鎮西南去縣三十里舊圖經曰觀內有  
寇尊師舉家白日上昇今廢

要冊廟在清川鄉陰村去縣五里

漢武帝廟在五陵鄉嚴店村去縣西南十八里

廬陵王廟在五陵鄉大順堡西南去縣二十里

漢太上皇陵在縣東北二十五里郡國縣道里記曰高帝  
葬太上皇於櫟陽北原其陵在東者太上皇在西者昭

靈后也

涇陽

涇陽縣

唐畿今次畿南至府七十里

本秦舊縣史記秦昭王弟封涇

陽君案今渭州平涼界涇陽故城是漢屬安定郡惠帝

四年改池陽縣屬左馮翊故城在今縣西北二里以其

地在池水之陽故曰池陽苻堅於今縣東南二十八里

置涇陽縣後魏於縣置咸陽郡後周建德中省池陽縣

隋開皇三年罷咸陽郡徙縣置於廢郡隸雍州即今縣

也唐天授二年隸郛州大足元年還隸雍州

縣境

東西七十五里  
南北三十五里

六鄉管六里

唐十八鄉

瑞寧鄉管神狐里

永順鄉在縣東管耦南里

耦字類篇無之  
疑只是偶字

會仙鄉在縣東管仙洞里

廣吉鄉在縣東管張良里

河池鄉管養生里

宜善鄉在縣外管輔政里

洪池監在縣西北五十里掌三白渠

涇陽鎮在縣城西街北

臨涇鎮在縣西北宜善鄉

白渠貫其中

迎冬驛在廣吉鄉十道志曰舊池陽縣城俗名迎冬城  
城中有尹吉甫碑後為驛今廢

涇水渡九

百光渡

寧甘渡

涇甘渡

並縣西

臨涇渡

縣西北



睦城渡

縣西南

劉洪渡

縣南

張茹渡

郭渡

孫渡

並縣東南

石安原在縣西南七里崇二十丈東西三十八里南入咸陽縣界崔鴻前秦錄曰苻健攻張琚于宜秋還登石安原而歎曰美哉斯原也悵然有終焉之志

長平坂在縣西南五十里俗名睦城坂東方朔記曰漢武上甘泉至長平坂上馳道有蟲盤而覆地赤如生肝狀頭目口鼻耳齒盡具先驅旄頭馳還以聞方朔從上

在後車上使往視之還對曰怪也上曰何謂對曰秦始皇拘繫無罪幽殺無辜衆庶恨怨憤氣之所生也是地必秦之故獄處也詔丞相公孫弘按地圖果秦獄也上曰善當何以去之朔曰積憂者得酒而忘致酒其上以消糜之以酒澆之果消上大笑曰東方生真先生也賜帛百疋自此之後屬車上盛酒以此故也

闕

涇水在縣西北自池陽縣界來東南入高陵縣界白渠

在縣西北六十里堰涇水入焉西自雲陽縣界來東入

高陵縣界十道志曰太白中白南白謂之三白渠也渠

上斗門四十八

元和郡縣圖志曰太白渠在縣東北十里中白渠首承太白渠東流入高陵縣

界南白渠首承中白渠東南流亦入高陵縣界隋志有茂農渠疑是此

三限口在縣東北分南北三渠處

限上十巡管斗門十一

限下八巡管斗門八

南限管斗門十三

中限管斗門十二

北限管斗門三

焦穫澤

一作數

在縣北亦名瓠口爾雅十數周有焦穫郭

璞曰今扶風池陽縣瓠中是也詩曰玁狁匪茹整居焦

穫謂此也史記鄭國鑿涇水自仲山西底瓠口為渠水

經注曰涇水東南流經瓠口鄭白二渠出焉凡溉田萬

頃

龍泉陂在縣南三里周六里多蒲魚之利

胡縣城在縣西南角

秦望夷宮在縣東南八里

漢池陽宮在縣西北八里

長平觀在縣東南九里

赫連臺在縣北宜善鄉

龍泉廟在縣城西門外街北

涇河廟在瑞寧鄉

顯聖廟在廣吉鄉

五齊神廟在會仙鄉

白鹿神廟在瑞寧鄉

鄧太尉廟在河池鄉

高陵

高陵縣

唐畿今次畿西南至府八十里

本秦舊縣孝公置左輔都尉治

所也史記秦昭王弟封高陵君漢隸左馮翊王莽改曰

千春其治在縣西一里故城後漢左馮翊自長安出治

高陵魏黃初元年改為高陸縣隸京兆郡其治在今縣

西南後魏徙於今所隋大業二年復為高陵唐武德元年析置鹿苑縣貞觀元年省天授二年隸鴻州大足元年還雍州

縣境

東西二十八里  
南北三十三里

五鄉管一百一十九村

唐七鄉會昌元年析清平鄉隸三原縣奉莊陵餘不傳

仁義鄉在縣西七里管村二十

奉君鄉在縣北八里管村一十五

修真鄉在縣東一里管村二十五

上原鄉在縣西南一十里管村二十八

潤國鄉在縣南一十八里管村二十一

縣城周二里餘一百二十步隋大業七年築

高陵鎮在縣城內

渭橋鎮在縣南一十八里

毗沙鎮在縣西南一十八里

鴻臚館在縣南一十八里今廢

神皋驛在縣北一百五十步今廢



奉政原在縣南一十一里東西長三十里南北闊三里  
鹿苑原在縣西南三十里東西長一十五里南北闊一  
里三輔黃圖曰安陵有果園名鹿苑

涇水西南來自涇陽縣界合渭水

渭水在縣西南二十里來自咸陽界流入櫟陽界

白渠自涇陽縣界三限下中限為一渠流至縣界彭城

堰下分為四渠並溉民田

唐寶曆元年今劉仁師請更  
水道渠成名劉公渠彭城堰

中南渠東西長三十五里

高望渠東西長三十五里

耦南渠東西長四十里

中白渠東西長三十里

四渠下流並入櫟陽縣界

古縣城在縣西一里周七里崇一丈五尺闊四尺

高陵故城在縣西南周二里

唐龍躍宮在縣西十四里唐神堯舊宅武德六年以奉

義宮建龍躍宮德宗改為修真觀內有神堯真容御井

靈栢梁開平中廢

正道觀在縣北十三里有吳道子畫今存

法隆院在縣南一十五里唐大厯元年置

昭惠院在縣東南三里唐大中年置

慶安尼寺在縣西南十里唐初置貞觀元年重修後廢

晉天福六年再修

鹿臺神廟在鹿苑原上郡國志曰鹿臺祠百姓祈禱水  
早有應俗名鹿臺將軍

後秦二主墓

姚萇  
姚興

在縣東十三里

唐西平王李晟墓在縣東南十里

乾祐

乾祐縣

次畿西北去府三百五十里

本漢洵陽縣地唐萬歲通天元

年析商州豐陽縣地置安業縣景龍三年隸雍州景雲

元年復隸商州乾元元年改為乾元縣隸京兆府尋遷

商州永泰元年為羌賊燒毀徙治今縣西北三十步長

慶二年復治今縣光啓二年經蔡賊焚蕩復徙今縣西

北西王谷龍紀元年復歸舊縣漢乾祐二年隸京兆府

改為乾祐縣

縣境

東西三百二十五里  
南北三百五十里

五鄉管十五里

乾祐鄉在縣西管里五

蘊谷里

東柱里

長陵里

西柱里

乾祐里

小和鄉在縣西管里三

太和里

小和里

件谷里

大和鄉在縣東北管里三

瓦谷里 長望里 西王里

左綿鄉在縣西北管里三

黃花里 青度里 團田里

平定鄉在縣東北管歸安里

歸安鎮在縣南一百二十里

長陵山在縣東七十五里

夢谷山在縣東南三十里其山崇峻常有雲起

石驢山在縣西南一百八十里山有石狀如驢

石馬山在縣南三十里山有石狀如馬

車輪山在縣南五里

考山在縣北七十里

重崖山在縣東五里

汴水在縣東五里出萬年縣界秦嶺下流入金州洵陽  
縣界

蘊水在縣西南七里出考山下流入汴河

洵河在縣西南一百里出萬年長安兩縣界秦嶺下南

流經縣入金州洵陽縣

渭南

渭南縣

唐畿西至府一百三十里

本漢新豐縣地前秦苻堅置渭南

縣屬京兆郡漢初有渭南郡因以取名述征記曰渭南

縣夷狄所置則謂堅也後魏孝昌三年徙置今縣東南

四里明光原上為南新豐縣仍置渭南郡西魏廢帝二

年分置靈源中源二縣改南新豐為渭南縣後周建德

二年郡及二縣並廢入渭南屬雍州隋文帝開皇十四



年徙縣於今治

兩京道里記曰隋文帝過縣以原上乏水故徙之

唐武德元年

隸華州五年復隸雍州天授二年於零口鎮鴻州析渭

南慶山置鴻門縣領渭南慶山高陵櫟陽鴻門五縣大

足元年廢鴻州併鴻門入渭南縣隸雍州周顯德二年

析隸華州

縣境

東西三十八里南北七十五里

四鄉管八里

唐十九鄉

神德鄉在縣郭下管里二

仁和里 豐陰里

石泉鄉在縣西南管里二

曹劉里 崛泉里

神川鄉在縣南管里二

清化里 樂坊里

廣陽鄉在縣東管里二

臨渭里 金泉里

縣城周三里餘二十步崇九尺括地志曰隋煬帝大業

九年築

渭南鎮在縣郭下

赤水鎮在縣東一十五里

堠子鎮在縣西南與藍田縣接境以南山多虎故立斥堠於此

渭南驛在縣郭內東至華州佑順館三十四里西至臨潼縣驛六十二里南至商州洛南縣秦嶺為界無堠館北至耀州富平縣驛七十里

東陽驛在縣東一十三里兩京道里記曰西魏大統十四年置在東陽谷側因以為名

杜化驛在縣西一十三里兩京道里記曰亦大統十四

年置在杜化川

二驛  
今廢

首橋在縣東五里橋架首水因名之

靈臺山在縣東南三十五里

倒獸山一名玄象山在縣東南三十七里十六國春秋曰王嘉字子年隱於東陽谷鑿崖穴而居弟子傳業者

數百人亦皆穴處石季龍兵亂棄其徒衆至于長安潛  
隱終南山結庵廬而止門人間而復隨之乃遷於倒獸  
山即此也

廣狗谷在縣南三十里

廣鄉原在縣東南十里水經注曰東陽水西陽水並南  
出廣鄉原北垂

新豐原一名青原在縣西南二十里水經注曰泠水歷  
陰盤新豐二原之間按今泠水經此原之右

胡城波在縣南一十五里東西一十五里南北接山三十里

楊柳坡在縣東南一十五里東西一十里南北接山三十里

牧羊坡在縣西南二十里東西三十里南北接山三十里

蟠蛤埕在縣南二十里崇三十尺周二百步

孟家埕在縣南六十里崇一百尺周四百步

灰埕在縣西南五里崇三十尺周一百步

渭水西自臨潼縣界流入去縣四里東流入鄭縣界

酋水出縣西南石樓山水經注曰酋水出倒獸山

南總五水單流北注經秦步高宮東歷新豐原東而北  
經步壽宮西又入渭

東陽谷水出縣東南廣鄉原北

西陽谷水出縣東南廣鄉原北

杜化谷水出縣西南

零谷水出縣西

梁泉在縣東南一百五步

甘泉在縣城內

姜泉在縣城內

唐陸贄為尉有詩曰遠增流瀾  
夾砌樹陰陰蓋縣內多引流泉

漕渠在縣北一里來自臨潼縣東入鄭縣界今涸王尚

澤在縣西十五里

靈池在縣東南二十五里後魏永熙元年水自湧出因

而成池周八十步



鴻門亭即漢高帝見項羽之處大道北下坂口名半日村太平寰宇記曰此村以山高蔽虧陽影常照其一半風門三秦記曰在新豐縣東南兩阜相對其所多風釣魚峰在縣東南十七里

縣故城在縣城北周一里餘二百八十步崇一丈括地志曰渭南故城在縣治東南四里西魏文帝大統十六

年築

按縣故城疑苻堅所置渭南縣括地志所引當是南新豐縣

右倉堡城在縣東三里

張堡城在縣東南三十里

嚴堡城在縣西南三十五里

青原堡城在縣西南二十五里

姚堡城在縣南二十里

胡城在縣南十里舊說匈奴休屠王部落降漢築此城以居因名胡城

秦步高宮一名市丘城在縣西南三十里

隋崇業宮在縣東十五里煬帝大業二年置唐遊龍宮

在縣西一十一里兩京道里記曰唐開元二十五年勅  
兩京行宮遠近不等宜令將作大匠康詵與州縣均融  
修葺取黑龍飲渭名之今有遺址

建明觀在縣西二十里後魏普泰元年置今廢

慈雲寺在縣城內本唐啟休寺元和中置後改今名後  
魏孝武帝孝陵在縣東南二十二里廣鄉原陵崇六丈  
周一百二步石人虎尚存

長安志卷十七

欽定四庫全書

長安志卷十八

宋 宋敏求 撰

縣八

蒲城

盤屋

蒲城

蒲城縣

唐次赤西南至府二百四十里

本秦重泉縣史記秦簡公城重

泉歷漢如之莽曰調泉後漢復舊至後魏省即今縣南五十里重泉故城是孝文帝太和十一年分白水縣置

南白水縣以在白水之南為名西魏廢帝三年改白水為蒲城縣以縣東有蒲城因名之本屬同州唐開元四年以縣之豐山建睿宗橋陵改為奉先縣仍隸京兆府十七年昇為赤天祐三年復屬同州皇朝開寶四年改曰蒲城天禧四年隸華州

縣境

東西九十里  
南北八十里

十鄉管十里

唐二十二鄉元和元年析神泉鄉隸富平縣奉豐陵十五年以櫟陽縣萬年鄉來屬

奉景陵又有宣化豐陽寧康三鄉餘不傳

呂寧鄉管宜安里

善化鄉管孝仁里

崇德鄉管懷化里

龍樂鄉管豐山里

翔鸞鄉管懷仁里

普濟鄉管伍龍里

懷仁鄉管聖母里

浦城鄉管溫泉里

原陽鄉管積善里

賢相鄉管勲貴里

縣城周八里一百八十步崇七尺壕深四尺

蒲城鎮在縣城內

荆姚鎮在縣西南三十里

車渡鎮在縣東南五十里

常樂鎮在縣東南四十里

漢帝鎮在縣東南一十八里



折衝府五

相原府 孝德府 溫湯府 宣化府 懷仁府

昌寧驛在縣城內

通智驛在縣西北景陵下去縣二十里

堯山驛在縣北光陵下去縣一十里

孝城驛在縣東北泰陵下去縣三十里

豐山驛在縣北橋陵下去縣三十里

豐山在縣西北三十里

一名蘇愚山

金粟山在縣東北二十里

白堂山在縣東北三十五里舊圖經曰山之前秦白起立寨之所因以為名

不羣山在縣東北白堂山南舊圖經曰諸山纍纍峯巒相接唯此山孤迥因以為名俗謂之孤山

金熾山在縣西北二十里

堯山亦名浮山在縣北二十里舊圖經曰昔堯時洪水為災諸山盡沒唯此山若浮因以為名

重山在堯山前舊圖經曰以其與堯山有重疊之象故號重山

銅斗山在縣西北四十里

馬冢山在縣西北五十里

木屐埕四在縣東偏南五十里沮水之岸舊說夏禹治水至此屐下棄泥積之成埕各周二里崇一百尺

蟠龍神原在縣西三十里舊圖經曰唐明皇遊幸見原上雲霧中有黃龍之狀於下得石狀似蟠龍以其地為

龍樂鄉今其石尚存

良將谷一名白堂谷在縣東北三十里

炭谷在縣西北二十里此谷出炭

佛空谷在縣西北三十五里谷內有佛空院唐會昌五年置

白馬谷在縣西北四十五里

洛水谷在縣東五十里由白水縣來南流一百里入同

州馮翊縣

白鹵泄渠在縣南四十里白鹵鹽池連東入沮水闊五十尺深二丈蓋鹵水汎漲流注故曰鹵渠

溫湯在縣東六十里源出沮水之岸西流二里入于沮水

山陽堰在縣北一十里舊圖經曰為置陵寢修此堰漫浴池在縣西一十五里漫源村其水微小惟居民灌溉蔬圃

蓮子池在縣西北三十里舊有蓮藕之利

東鹵池在縣南二十里漢書宣帝微時常困於蓮勺鹵  
中如淳曰為人所困辱也蓮勺有鹽池縱廣十餘里其  
鄉人名曰鹵中服虔曰鹵中或曰澤中孟康曰蓮勺縣  
西北也按漢蓮勺縣在此縣東南下邳縣界今謂此為鹵  
中未詳唐大德十二年東池生瑞鹽後勅禁斷鹽不復  
生

西鹵池在縣西四十里

重泉故城在縣南五十里

蒲城在縣東三十里

故同州城即漢役裯城

賈城在縣西南一十八里古之賈國左氏傳謂芮伯梁伯賈伯伐曲沃是

晉城在縣東南五十里未詳所出

魯王宮城在縣西南四十里大統記曰即魯哀王城也視其餘迹尚有宮城板築之象今在內政村

晉穆侯寨在沮水東岸相去五里

晉太子虛糧寨在縣東北六十五里沮水西岸史記晉世家曰晉穆侯四年娶齊女姜氏為夫人七年伐條生太子仇杜預曰條晉地漢地理志懷德縣禹貢北條荆山在南按今朝邑縣西南有懷德故城即古條近焉虛糧史傳無聞

白起寨在縣東北三十里

避難堡在縣東北八十里未詳

同元觀在縣城內



仙臺觀在縣西二十里橋陵南唐金仙玉真二公主入道置此觀

鹵泊神祠在縣南二十五里鹽池峯

馬跑將軍祠在縣西南四十里仇池村

竹谷神路將軍神祠在縣西北一百里豐義村

黃崖神祠在縣東南四十里常樂鎮諸坊村

唐睿宗橋陵在縣西北二十里豐山

圖經在蘇愚山

宣化鄉積

善村封內四十里陪葬太子三

惠莊太子陵在豐陵東南三里惠文太子陵在

東三里惠宣太子陵公主三金仙梁  
在東六里並栢城內國邠國

玄宗泰陵在縣東北三十里金粟山懷仁鄉散母村封

內七十六里下宮去陵五里陪葬一高力士

憲宗景陵在縣東北一十三里金熾山豐陽鄉胡村封

內四十里陪葬妃后三懿安郭太后孝明鄭太后王賢妃

穆宗光陵在縣北二十里堯山西案嶺圖經在金熾山陵廟記在浮山

寧康鄉普濟延興二村封內四十里下宮去陵五里陪

葬后二恭僖王太后貞獻蕭太后

讓皇帝惠陵在縣西北一十里

陵廟記一十五里

豐陽鄉胡村

封內一十里陪葬諸王三

鄭王筠嗣寧王琳同安王珣

公主三

蔡國代國

霍國

賈大夫冢在縣西南一十八里春秋左氏傳昭二十八年曰昔賈大夫惡娶妻而美三年不言不笑御以如皋射雉獲之其妻始笑而言杜預注曰賈國之大夫惡亦醜也今縣有賈城即古之賈國後漢王阜字代公為重泉令時大旱收奪強吏按察豪猾由是澍雨有鸞集縣

屋為雅樂應聲而舞旬日方去其化感如此

盩厔

盩厔縣

唐畿東北至府一百三十里

漢舊縣也武帝置屬右扶風山

曲曰盩水曲曰厔因以名之後漢省晉復縣隸扶風郡  
後魏太平真君七年併武功縣入焉後周天和二年徙  
縣今鄠縣西北三十五里析雍州之終南郡於此置桓  
州領周南郡建德三年徙縣於今治置周南郡隋廢郡  
以縣隸京兆郡唐武德二年廢桓州縣隸稷州又於漢

蓋屋故城置終南縣八年省貞觀元年廢稷州復隸雍州天授二年又隸稷州大足元年復隸雍州天寶元年改為宜壽縣至德一載復為蓋屋天復元年隸鳳翔府

縣境

東西七十一里南北一百六十里餘一百步

一十七鄉管三百二十五社

唐十七鄉

望仙鄉在縣東四十里管社一十四

書臺鄉在縣東三十里管社一十七

仙檀鄉在縣東二十五里管社一十四

五柞鄉在縣東南三十五里管社一十四

長城鄉在縣東南七十里管社一十八

仙果鄉在縣南五十里管社一十五

神就鄉在縣西南三十里管社二十四

睦教鄉在縣東北三十里管社一十七

永泉鄉在縣東北二十里管社一十八

鳳泉鄉在縣東南一十五里管社一十八

陽化鄉在縣北四里管社二十七

豐邑鄉在縣西北三十里管社一十八

仙遊鄉在縣南二十里管社二十六

缺鄉在縣西北一十五里管社二十一

遷善鄉在縣西南一十三里管社一十四

長陽鄉在縣西二十里管社一十八

司竹鄉在縣東南二十里管社二十七

縣城周五里餘一百二十五步崇二丈二尺壕深一丈三尺

司竹監在縣東南三十里穆天子傳曰天子西征至玄池奏廣樂三日是曰樂池乃植之竹史記曰渭川千畝竹漢書秦地有鄠杜竹林晉地道記司竹都尉治鄠縣其園周百里以供國用唐置監丞掌之隋義寧元年唐高祖起兵其第三女平陽公主舉兵於司竹園號娘子軍

葦園在縣東南三十里周二十頃

驛在縣城內東至鄠縣驛七十里南至終南山櫻桃驛



四十五里

櫻桃驛至三交驛五十五里

三交驛至林關驛四十五里

林關驛至洋州真符縣大望驛七十五里

駱谷關在縣西南一百二十里唐武德七年開駱谷道以通梁州在今關北九里貞觀四年徙於此古駱谷道漢魏舊道也南通蜀漢魏略曰少帝正始四年曹爽伐蜀諸軍入駱谷三百餘里不得前牛馬驢羸以轉運死

略盡魏志曰少帝甘露三年蜀將姜維出駱谷圍長安  
即此谷道也其後廢塞唐武德七年復開東北自郿縣  
界西南經縣又西南入駱谷出駱谷入洋州興勢縣界  
終南山去縣三十里

姜維嶺本名沉嶺在縣南五十里蜀後主延熙二十年  
大將軍姜維率衆出駱谷經沉嶺

韋谷在縣西南三十里

倉谷在縣西南二十五里

故縣谷在縣西二十五里

底保谷在縣西南三十里

强弩谷在縣西南二十五里

西洛谷在縣南三十里

韓谷在縣東南二十五里

黃谷在縣東南二十五里

田谷在縣東三十里

牛谷在縣東南三十五里

赤谷在縣東南三十五里

壇谷在縣東南三十七里

洛谷在縣南三十里有道入洋州

玉女洞在縣南三十里洞門崇四尺闊三尺

渭水在縣北五里自郿縣界來流入興平縣界

芒水水經注曰出南山芒谷逕玉女房水側山際有石

室世謂之玉女房又北逕縣之竹園中分為二水漢孺

子詔曰翟義作亂於東霍鴻負倚蓋屋芒竹師古曰芒

竹在盤屋南界芒水之曲而多竹林也即今司竹園是其地矣芒音亡一水東北為枝一水北流注渭

韓水在縣北三十里出終南山蒲澗北流二十五里入渭

沙河在縣東二里自終南山北流經縣界三十五里入渭

曲河在縣西五里其水亂泉水合之北流入渭

田谷河在縣東南三十五里出終南山下北流入黑水

河水經注有田  
溪水疑是此

鹹泉在縣東南三十里周三里

白龍泉在縣東北一里北流三里入渭

永安泉在縣西南五里

沒底泉在縣北一里北流三里入渭

漆渠在縣南五里

韋谷渠在縣西南三十五里自南山流下至青化店太平

寰宇記漳水在縣  
東北五里疑是此

靈軹渠在縣界漢武帝穿

望仙澤在縣東南三十七里周一十里雍州記曰望仙  
澤在藍屋縣東南周地圖記曰望仙宮南澤中有石盤  
龍兩條鱗甲動有雲氣聲如鳴鐘水經注曰槐里東漏  
水又北歷葦圃西亦謂之仙澤

元和郡縣圖志  
曰中有龍尾堆

仙遊澤在縣東南一十五里周一十二里

仙遊潭在縣南三十里闊二丈其水黑色相傳號五龍

潭每歲降中使投金龍

隋志有溫湯  
圖經不載

讀書臺在縣東北二十七里舊圖經曰後漢馬融讀書所

董龍社樹在縣西南三十里舊圖經曰董龍蓋屋人家貧村社衆人祭社遂出之龍遂以泥造飾祭之後穿地得黃金因大富遂名董龍樹

終南故城郡國記曰即漢蓋屋城也

宜壽城在縣西一里隋有壽宮疑置此城

五郡城在縣東南三十里周三里舊說有義兄弟五人



共居此城不詳建立

崧峒山寨在縣南九十五里

羅開山寨在縣南六十五里

解保寨在縣東北三十里

秦長楊宮在縣東南三十三里水經注曰漏水出南山  
赤谷東北流經長楊宮東

漢五柞宮在縣東南三十八里

隋宜壽宮在縣東南三十三里

隋志又有文  
山鳳凰等宮

仙遊宮在縣南三十五里舊圖經曰隋文皇帝避暑處  
上清太平宮在縣東三十里清平鎮本北帝宮建隆元  
年置太平興國二年重脩改今名每三元聖節命使設  
醺歲以為常

興國觀在縣東三十二里本尹喜宅也周穆王為召幽  
逸之人置為道士觀相承至秦漢有道士居之晉惠帝時  
重置其地舊有尹先生樓因名樓觀唐武德初改名宗  
聖觀事具樓觀本記及先生傳太平興國三年改今名

龍行寺在縣西一里唐開元十二年置

寶相寺在縣東一里餘二百五十步唐元和中置為光耀寺太平興國三年改

崇明寺在縣西一百步唐元和十四年置為瑞光寺太平興國三年改

仙遊寺在縣東三十五里唐咸通七年置

隋文帝廟在縣東南五十里唐天寶三載建

老子廟在縣界華陽子錄記秦始皇好神仙於尹喜先

生樓南立老子廟晉惠帝元康五年更修時木萬株南北連亘七里給戶三百供洒掃隋文帝開皇元年復修尹先生廟在老子廟北先生內傳曰先生姓尹名喜周康王時為大夫領散關長遇老君說道德五千言付先生先生白日上昇於此

老子墓在縣界水經注曰就水北經大陵西俗謂之老子墓按老子為周柱下史適西戎於此有家事無可證然莊子曰老聃死秦失弔之三號而出有冢可也



長安志卷十八

欽定四庫全書

長安志卷十九

宋 宋敏求 撰

縣九

奉天

好時

華原

富平

奉天

奉天縣

唐次赤東南至府一百六十里

漢池陽縣地屬左馮翊晉屬扶

風郡後魏為咸陽郡寧夷縣地隋改寧夷曰醴泉隸京

兆郡唐光宅元年析醴泉始平好時武功豳州之永壽

五縣之地置奉天縣屬京兆郡以縣西北有唐高宗乾陵所在因名曰奉天興元元年德宗出幸升為次赤乾寧二年以縣置乾州及覃王出鎮又以畿內之好畤武功盩厔醴泉隸之尋並復舊天祐中李茂正墨制以奉天縣復乾州領奉天一縣梁乾化中昇為威勝軍析奉天好畤武功盩厔醴泉五縣以隸焉後唐同光二年罷軍名復為乾州屬鳳翔府領奉天好畤二縣其武功醴泉二縣還京兆府盩厔入鳳翔天成三年領奉天一縣



其好時還京兆府皇朝乾興三年復析好時與邠州之永壽二縣隸之熙寧三年廢州以奉天隸永興軍

縣境

東西四十里  
南北八十里

四鄉管四里

唐一十九鄉元和元年析神泉鄉隸富平奉豐陵有梁山岑陽二鄉餘不傳

孝節鄉在縣東南管文川里

仙仁鄉在縣南管披桂里

乾陵鄉在縣西管金井里

節義鄉在縣北管恭和里

薛祿鎮

子城周五里四十步城上闊一丈下闊二丈二尺崇二丈二尺壕深一丈八尺闊三丈漢乾祐中重修古羅城東北至子城西門外自北三面有城墻周一十一里崇二丈二尺上闊五尺下闊一丈二尺壕深一丈八尺闊三丈唐書曰建中元年五月築奉天城四年十月德宗避難于奉天初術士桑道茂請城奉天為王者之居外象龜形內分六街德宗素神道茂言遂命京兆尹嚴郢

發衆數千與六軍士雜往城之時屬盛夏而土功大起人莫知其故至朱泚之亂播遷都彼乃驗

驛在縣南三百步東至興平縣驛七十里北至永壽縣麻亭驛八十里

梁山即禹貢所謂壺口治梁及岐又古公亶父踰梁山至于岐下及秦立梁山宮皆此山也

按此山當在左馮翊夏陽縣

莫谷水在縣西五里自永壽縣麻亭嶺流經縣三十里西南入武功縣界

甘谷水在縣東北二十里自永壽縣溫秀嶺流經縣四十里入醴泉縣界合涇水

漢好時故城在縣東北七里岑陽鄉周二里五十步崇三丈

唐好時故城在縣西北六里

靈源寺在縣東南三十里唐開元八年置

漢楊喜將軍廟在縣南二十里

唐桑道茂廟在縣西南三百一十步漢乾祐元年重修

唐高宗乾陵與武皇后合葬在縣西北五里梁山鄉丈八青仁控子三村界周八十里有于闐國所進無字碑

陪葬太子諸王五

章懷太子賢  
澤王上金

懿德太子重潤  
許王素節 邠王守

禮公主一義陽

僖宗靖陵在縣東北一十五里岑陽鄉雞子堆封內四

十里下宮去陵五里

與乾陵相  
接隔約谷

商妣已墓在縣西五里莫谷西半崖坡內

好時

好時縣

唐畿東南至府一百八十里

本漢縣屬右扶風舊縣在今縣

東南四十三里奉天縣界好時故城是時者神明所依

止也以雍州積高神明之隩故立時以郊上帝諸神也

漢書雍王邯迎擊漢陳倉雍兵敗還走戰好時

孟康曰時音止

神靈之所止也

莽曰好邑後漢省晉元康中復於舊縣

東南二里置好時縣後魏隸扶風郡周建德

三年省入莫西縣隋開皇十八年復改莫西

為好時縣大業二年省唐武德二年析醴泉

縣復置好時縣於莫谷東南隸雍州今奉天縣

西北六里隋太子莊陵城是三年隸稷州貞觀元年廢

稷州復屬雍州二十一年與岐陽縣並廢依舊置上宜

縣尋改上宜為好時

上宜縣隋開皇十八年置貞觀八年廢

今縣治即舊

香谷川也天授二年復隸稷州大足元年還雍州後唐

同光中隸鳳翔府長興元年還京兆府皇朝乾興二年

隸乾州

縣境

東西四十里  
南北四十里

二鄉管二里

唐三十鄉

武都鄉在縣東管教本里

美川鄉在縣西管繡川里

縣城周三里二百步崇一丈二尺闊一丈

大橫關

梁山在縣境

峴山在縣東漢書顏師古注峴音丘毀反

明月山在縣西北一十六里與鳳翔扶風縣分界



石門山在縣西一十五里美川鄉

武亭水在縣城東門外九十步自麟遊縣界來經縣四十里流入武功縣界

莫谷水在縣西二十五里來自永壽縣界經縣流入武功縣界

軒轅殿基在縣西南三里

臨平觀基在縣東南七十里

齊婁神廟在縣西北二十里明月山東嶺上宇文陵在

縣東一十五里

吳妃陵在縣西北二十里明月山下

華原

華原縣

唐畿西南去府一百六十里

本漢役祠縣之地

師古曰役音丁活反又音

丁外反祠音詞說文云役及也從及示聲或說城郭市里高懸羊皮有不當入而欲入者輒下以驚牛馬曰役故從及示詩曰何戈與役故龍圖閣直學士趙公師民常守耀州以為役祠字從示悉祭神求福之意疑秦地尚武以釁兵得名非確見也

景帝二年置屬左馮翊宣帝神爵二年

鳳皇集役祠城今縣東北一里役祠故城是其後廢後

漢永元九年復魏文帝自今寧州彭原縣界富平故城徙北地郡於此其縣遂廢後魏初徙北地郡於今宜君縣界義亭故城於此置北雍州永熙二年自三原縣界永安故城徙北雍州於今華原縣西魏改為宜州又廢帝三年別立通川郡領泥陽縣隋開皇三年罷郡以縣屬宜州六年改泥陽為華原縣大業三年省宜州縣屬京兆郡以上門縣入焉義寧二年又於縣置宜君郡領華原宜君同官并置土門四縣唐武德元年罷郡立宜

州貞觀十七年省宜州及土門縣以華原同官二縣屬  
雍州宜君屬坊州垂拱元年改為永安縣天授二年又  
以永安縣置宜州領永安同官富平美原四縣大足元  
年廢州改永安復為華原縣隸京兆府乾寧三年李茂  
貞據鳳翔僭行墨制以華原縣置耀州建義勝軍節度  
領華原一縣析同州美原縣為鼎州以為屬郡梁正明  
元年改耀州為崇州義勝軍為靜勝軍鼎州為裕州後  
唐同光元年復為耀州名順義軍析雍州之富平三原

雲陽同州之同官美原五縣屬焉三年降為團練州周顯德中降為刺史州皇宋開寶五年陞為感義軍節度太平興國二年改感德軍

縣境

東西三十里南北一百三十里

四鄉管一百七十二村

唐四鄉

流惠鄉在縣西北一里管村二十七

石門鄉在縣西三十五里管村二十五

孝義鄉在縣西北二十里管村二十八

鳳遊鄉在縣北管村二十二

子城周二里二百八十四步上闊七尺下濶二丈崇二丈一尺

羅城周七里四十步上闊七尺下闊三丈崇二丈五尺夾城壕闊三丈八尺羊馬城上不通人行下闊二丈五尺崇二丈五尺外城壕深二丈五尺闊六十尺

寧谷鎮在縣西北八十里

泥陽驛在子城內西至富平縣驛五十里西北至寧谷

鎮驛八十里

寧谷驛在縣西北八十里寧谷鎮西北至邠州二百里

牛耳山在縣北六十里

風孔山在縣東五里

石門山在縣西北八十里

安君山在縣東五里

樹子山在縣北四十里

石皋山在縣北四十里

把樓山在縣北四十五里

土門山在縣東南四里水經注曰宜君水東南出土門

山西

三石山在縣北六十八里

玉女山在縣西北六十里

隋志有頻山  
圖經不載

清水谷在縣西三十五里石門鄉十道志一名鬼谷晉

太康地記扶風池陽縣有鬼谷先生所居今按此地即

池陽之境又司馬彪曰鬼谷在嵩山虞喜志林在隴關



裴秀雍州記在池陽未知孰是其水自縣西北雲陽縣界來經縣八十里南流入三原縣界

漆水自縣東北同官縣界來經縣一十五里南流入富平縣界合沮水俗名石川水周太王去豳度漆踰梁山止岐下故詩曰自土沮漆又曰率西水潁至于岐下尚書曰導渭自鳥鼠同穴東會于澧又東會于涇又東過漆沮入于河孔安國曰漆沮一名洛水出馮翊北正義曰雍州漆水出扶風漆縣西沮則不知所出山海經曰

涇渭合流三百里清濁不相雜東合漆沮水至漳津入于河又曰渝次之山漆水出焉北流至于渭水經注曰渭水東過華陰縣北洛水入焉闕駟以為漆沮之水

沮水自縣西北邠州界來經縣九十五里南流合漆水於富平縣界亦名石川河

澗谷河水來自縣西北孝義鄉焦砦村南流七十里入三原縣界

濁谷河水自縣西北孝義鄉大海村來經縣四十五里

南流入三原縣界

役棚故城在縣東北一里

漢步壽宮在縣東北三里

姚萇殿在縣西北七十五里鳳遊鄉上有御池泉水基址尚存

唐永安宮長安二年置

孫思邈舊宅今為僧寺在縣東五里流惠鄉惠政坊磬玉山

祿祔廟在縣東二里惠政坊

漢武帝廟在縣南五里冬溫坊

富平

富平縣

唐次赤西南至府一百五十里

本漢舊縣屬北地郡漢書曰比

部都尉治神泉障渾懷都尉治塞外渾懷障莽曰特武

前漢縣治在今靈州回樂縣界後漢徙今寧州彭原縣

界晉徙縣於今縣西南十一里懷德城後魏自今華原

縣北祿祔故城徙北地郡於華原縣東南通川故城西

魏文帝大統五年自懷德城徙於今治周閔帝二年於  
縣置中華郡武帝省郡以縣屬馮翊隋開皇三年隸雍  
州唐天授二年隸宜州大足元年州廢還雍州開元中  
徙縣於義亭城蓋古之鄉亭也貞元四年昇為赤後唐  
同光元年隸耀州

縣境

東西六十五里  
南北五十六里

一十一鄉一十一里管二百七十九村

唐四十四鄉元  
和元年以櫟陽

縣大澤鄉奉先縣神泉鄉來屬奉豐陵十五年析萬年  
鄉隸奉先縣奉景陵長慶四年析豐水鄉隸奉先縣奉

先陵開成五年以三原縣仁少鄉來屬奉  
章陵又有周文通開會善三鄉餘不傳

招福鄉積善里在縣東北管村二十八

義亭鄉龍門里在縣南管村三十二

薄臺鄉懷仁里在縣西南管村三十二

安豐鄉進善里在縣東南管村三十三

永閏鄉京陽原義里在縣西北管村二十八

大澤鄉龍西里在縣西南管村一十一

豐閏鄉保濟里在縣東南管村一十七

義林鄉神地里在縣西管村一十六

脾陽鄉龍遊里在縣南管村二十二

臨原鄉大秦里在縣東南管村二十九

平皋鄉昌仁里在縣北管村三十九

縣城周三里一十二步崇一丈五尺壕深八尺闊八尺

棘店鎮在縣南二十里

縣驛在縣城內西北至三原縣驛五十里南至華州一

百三十里

荆山在縣西南二十里今名握陵原尚書曰荆岐既旅  
又曰導沂及岐至於荆山孔安國曰荆在岐東非荊州  
之荆也方輿記曰昔黃帝鑄鼎於此山帝王世紀禹鑄  
鼎於荆山在馮翊懷德之地今山下有荆渠

壇山在縣西北三十里

天乳山在縣西北二十五里兩峯相對類乳形

高陽峯在縣西北三十五里

羊蹄原在縣東南三十里



中華原在縣南三十里

北虜原在縣西北一十里

八公埕在縣東南二十五里其埕兩畔各有一小谷象八字中心有埕象公字因以為名

萬戶埕在縣西三十里

黃金埕在縣北二十里

北虜川在縣北五里

薄臺川在縣南五里

漆沮水在縣西北四十五里亦名石川水自華原縣界來入義亭脾陽豐閭三鄉通過

澤多泉在縣西一十三里永閭鄉溫泉村東入薄臺川三十里東南入漆沮河溉民田

鹹泉在縣東南五里

白馬泉在縣東一十里

鹽池澤在縣東南二十五里周二十里

鄭國渠在縣南二十里史記曰秦既有事山東欲兼并

諸侯諸侯益懼韓惠王聞秦之好興事欲罷之母令東

伐如淳曰欲罷勞之

乃使水工鄭國

韋昭曰鄭國能間治水故曰水工

說秦令鑿涇水自中山西邸瓠口為渠並北山東注洛

徐廣曰出馮翊懷德縣

三百餘里欲以溉田中作而覺秦欲殺鄭

國鄭國曰始臣為間然渠成亦秦之利也韓延數年之

命為秦開萬世之利也王以為然卒使就渠渠就用注

填關之水溉澤鹵之地四萬餘頃收皆畝一鍾於是關

中為沃野無凶年秦以富強卒併諸侯因命曰鄭國渠

北白渠亦名太白渠在縣南二十里漢書武帝太始二

年趙中大夫白公

鄭氏曰白姓公爵時人多相謂為公師古曰此時無公爵也蓋相呼尊者

之稱

復奏穿渠引涇水首起谷口尾入櫟陽

師古曰谷口即今雲

陽縣治谷是

注渭中袤二百里溉田四千五百餘頃因名曰

白渠民得其饒歌之曰田於何所池陽谷口鄭國在前

白渠起後

師古曰鄭國興於秦時故云前

舉帀為雲決渠為雨

師古曰帀鑿也

所以開渠者也

涇水一石其泥數斗且溉且糞長我禾黍

如淳曰水

淳淤可

衣食京師億萬之口按白渠西自三原縣界來

流經縣溉睢陽大澤豐閏三鄉民田四十里有斗門一  
十五所其水東入漆沮河唐永徽六年雍州長史長孫  
祥奏言往日鄭白渠溉田四萬餘頃今為富僧大賈競  
造碾磑止溉一萬許頃於是高宗令分檢渠上碾磑皆  
毀撤之未幾所毀皆復廣德二年尚書工部侍郎李栖  
筠復陳其弊代宗亦命拆去私碾磑七十餘所歲餘栖  
筠出守常州私制如初至大厯中水利所及纔六千二百  
餘頃

元和郡縣圖志曰白渠首起谷口尾入  
櫟陽延袤二百里溉田四千五百餘頃

堰武渠在縣西北四十五里義林鄉來自華原縣界流經縣溉民田八里

白馬渠在縣西北四十里義林鄉信義村引漆沮河水溉民田一十五里

長澤渠在縣西北三十里義林鄉西陽村引漆沮河水溉民田一十五里

高望渠在縣西北二十五里義林鄉閭村引漆沮河水溉民田三里

文昌渠在縣西北一十七里永閏鄉自義林鄉引漆沮  
河水溉民田一十里

石泉渠在縣西北二十五里引漆沮河水溉民田一十  
里

永濟渠在縣西北二十五里引漆沮河水溉民田一十  
二里

陽渠在縣西南二十八里引漆沮河水溉民田一十五  
里

直城渠在縣西南二十里引漆沮河水溉民田二十里  
龍門堰在縣南二十里

石川堰在縣南二十里

常平堰在縣東南二十五里

樂視臺在縣西南三十里

胡馬臺在縣西南一十二里

懷德故城在縣西一十五里周三里漢書曰懷德縣屬  
左馮翊禹貢北條荆山在南下有強梁原洛水東南入



渭雍州浸王莽曰德驢

秦穆公城在縣南三十里南面西面崇一丈五尺東面北面無牆

直市城在縣西南一十五里事見漢宮室街陌下

雨金堡在縣東南三十里周八百步東有雨金泊史記秦獻公十八年雨金櫟陽後因名堡按其地古櫟陽縣界也王侯堡在縣西北四十五里

丁溪廟在縣南四十里

鹹泉廟在縣東南五里

漢武帝廟在縣南二十里

後周文帝廟去縣一十二里

秦王翦廟在縣東北三十里

後漢梁統廟在縣東北三十里

後魏孝武帝陵在縣東南二十五里

西魏文帝陵在縣東南二十五里

後周文帝成陵在縣西北一十三里

唐中宗定陵在縣西北一十五里

陵廟記在縣東龍泉

山

陵廟記曰屏風山

周文鄉郭門村封內四十里下官去陵五

里陪葬太子一

節隱太子重俊

公主五

宜成安定王同皎

長寧

成安

永壽章

鐵

代宗元陵在縣西北三十里檀山永閏鄉管村封內

四十里下官去陵五里順宗豐陵在縣東北三十五里

金甕山通關鄉修善義周公孫三村封內四十里下官

去陵五里文宗章陵在縣西北二十里天乳山永閏鄉

洪波封內四十五里下官去陵三里陪葬

楊賢妃

懿宗簡

陵在縣西北四十里紫金山會善永閏兩鄉范村封內  
四十里下宮去陵七里

王翦墓在縣東二十七里

唐李光弼墓在縣西四十里

長安志卷十九

欽定四庫全書

長安志卷二十

宋 宋敏求 撰

縣十

三原

雲陽

同官

美原

三原

三原縣

唐次赤西南至府一百一十里

本漢池陽縣之地按池陽縣惠

帝四年置應劭曰在池之陽前秦苻堅於嶽孽山北置

三原護軍以其地南有鄠原西有盩厔原北有白鹿原

是為三原後魏太武太平真君七年罷護軍置三原縣  
屬北地郡周地圖記曰孝明孝昌三年蕭寶寅逆亂關  
右毛洪賓立義柵捍賊莊帝永安元年於此置北雍州  
洪賓為刺史俗謂之洪賓柵其故城在縣北一十五里  
又徙縣於清水莊又按魏書毛遐洪賓兄也亦有功於  
魏孝明詔析北地郡之三原縣為建忠郡屬北雍州以  
旌其兄弟功也周武帝建德二年郡廢以三原縣隸馮  
翊郡今縣治西北三十一里三原故城是隋開皇三年

以縣隸雍州唐武德四年徙治清父南故汪城改為池陽縣六年又徙故所改為華池縣仍分置三原縣隸北泉州貞觀元年廢三原縣改華池為三原縣隸雍州後唐同光年隸耀州

縣境

東西四十七里  
南北四十里

一十二鄉管一百三十四村

唐二十鄉開成五年析仁化鄉隸富平縣奉章陵會

昌元年以高陵縣清平鄉來  
屬奉莊陵有太平鄉餘不傳

豐元鄉在縣北管村一十

萬壽鄉在縣北管村八

清水鄉在縣西北管村一十九

常平鄉在縣西南管村一十八

萬福鄉在縣南管村一十八

從化鄉在縣西南管村一十三

修真鄉在縣西南管村一十四

務高鄉在縣東南管村七

神泉鄉在縣東管村七



龍池鄉在縣東管村六

新樂鄉在縣東管村九

奉節鄉在縣南管村五

縣城周二里餘一百二十步崇一丈

截孽山在縣西北六十里

堯門山在縣西北三十二里

天齊原在縣西北二十里連截孽山上有天齊祠

清水谷河自縣西北華原縣界來經縣西南入白渠東

溉民田

十道志曰一名鬼谷晉太康地記扶風池陽縣有鬼谷先生所居今按此地即舊池陽之境而

司馬彪

云鬼谷在嵩山虞喜志林在隴關裴秀雍州記云在池陽諸說不同未知孰是

濁谷河自縣西北華原縣界來經縣西一十五里谷口

有大堰其水東流溉民田

六輔渠漢書元鼎六年倪寬為左內史奏請穿六輔渠

師古曰在鄭谷渠之裏今尚謂之輔渠亦曰六渠也

以益溉鄭國旁高仰之田

師古

曰素不得鄭國之溉灌者也仰謂上句也讀曰仰

圖經曰此則於鄭國渠上流

南岸更開六道小渠以輔助溉灌耳今雲陽三原兩縣

界此渠尚存鄉人名六渠亦號輔渠

中白渠北白渠兩渠水自正西雲陽縣界來經縣通流  
過富平縣界溉民田兩白渠下斗門二十八

北白渠四  
中白渠二

四十

黃白城在縣西南十五里後漢李傕亂獻帝幸長安三  
輔飢歎欲徙帝於池陽黃白城永安故城亦名洪賓柵  
在縣北十五里後魏北雍州城也孝武永熙元年徙北  
雍州於宜州仍於城中置永安鎮今在富平縣界

秦曲梁宮在黃白城內

寶應金輪寺唐寶應年置在縣東北一里餘二百四十

七步唐景皇帝永康陵在縣西北十八里豐原萬壽兩

鄉大澹村封內二十五里

唐陵廟記在縣西北三十里

高祖獻陵在縣東一十八里龍池鄉唐朱村封內二十

里下宮去陵五里陪葬諸王一十六

河間王孝恭襄邑王神符道王

元慶

鄭王元懿

清河王

該

韓王元嘉

彭王

禮

元則

滕王元嬰

號王鳳

鄧王元亨

徐王元禮

霍王元軌

鄧王元裕

魯王

公主一

館陶功臣六

楚將

靈夔

江王元祥

密王元曉

魯王

公主一

館陶

功臣六

楚將

軍

吳興公

彭城公

賀

蘭公

錢巢公

丘將軍

敬宗莊陵在縣西北五里太平鄉胡村封內四十里下

宮去陵八里陪葬一

悼懷太子

武宗端陵在縣東一十里神泉鄉騰張村封內四十里

下宮去陵四里陪葬一

賢妃王氏

雲陽

雲陽縣

唐次赤西南至府一百一十里

本漢縣昭帝置屬左馮翊古有

雲陽宮因為名亦為美原縣地蓋匈奴金人祭天之

所也後漢末省縣今縣西北六十里古城即漢縣也魏志曰司馬宣王以撫慰關中罷雲陽縣置撫夷護軍及晉趙王倫鎮長安復罷護軍後氐羌反又立護軍後魏太平真君七年罷護軍別置雲陽縣屬北地郡後周置雲陽郡隋開皇初郡廢唐武德元年析雲陽縣置石門縣三年於石門縣置泉州領石門溫秀二縣徙雲陽縣於南十五里治水衝域貞觀元年廢泉州省溫秀縣改石門縣為雲陽縣改雲陽縣為池陽縣屬雍州八年省雲

陽以其地入池陽而改曰雲陽天授二年以雲陽置鼎  
州領雲陽三原涇陽醴泉四縣大足元年州廢縣隸京  
兆府後唐同光元年析隸耀州

縣境

東西七十里南  
北一百二十里

五鄉管七十四村

唐二十鄉金龜平泉古鼎三鄉今  
析置淳化縣有谷口鄉餘不傳

流金鄉在縣東南管村一十二

嵯峨鄉在縣北管村一十八

萬善鄉在縣東管村一十二

武康鄉在縣西管村一十八

青龍鄉在縣南管村一十四

縣城周二里餘一百一十步崇九尺壕深二尺

孟店鎮在縣東北一十里

梨園鎮在金龜鄉王褒雲陽宮記曰車箱坂下有利園  
漢武築之大一頃樹數百株青翠繁密望之如車蓋鎮  
因名之唐李克用以并師討邠岐駐軍梨園寨皇朝淳  
化四年建為淳化縣以雲陽金龜平泉古鼎三鄉仍析



山後甘延溫豐威遠三鄉屬焉

按太子舍人黃觀言此地山林深僻多聚賊盜

遂建為縣

折衝府水衝府

在縣西南三里

仲山府

在縣西北四十里

嵯峨山一名截孽山在縣東北十里東西二十五里南

北二十里漢書截孽山在池陽縣北師古曰俗呼嵯峨

山是也音截齧雲陽宮記曰東有慈峨山盖又名慈峨

四夷郡縣圖記曰山頂有雲起即雨人以為候昔黃帝

鑄鼎於此山小仲山在縣西北四十里史記漢武帝獲

寶鼎於汾陰迎鼎至甘泉從行上薦之至中山晏溫如

曰三輔謂日出清濟為晏晏而溫也

有黃雲蓋焉徐廣云關中有中山非

冀州者也雲陽宮記曰宮南三十里有仲山未詳古之何山山有竹箭生焉俗傳高祖兄仲所居今山有仲子廟積旱祈之圍此射獵則風雨暴至廟有一泉未曾水竭

甘泉山一名石鼓原俗云磨石嶺在縣西北九十里周六十里關中記曰甘泉宮在甘泉山上漢書單于烽候

以應甘泉即此山也又有甘水經縣西十道志曰甘泉水出石鼓西原

車箱坂在縣西北三十八里縈紆曲折單軌纔通上阪即平原宏敞樓觀相屬即趨甘泉官道也

涇水在縣西南二十五里水經注曰涇水東流歷峽謂之涇峽

冶谷河水自縣西北淳化縣界來經縣嵯峨武康青龍等鄉溉民田雲陽宮記曰冶谷去雲陽宮八十里封禪

書所謂谷口是也其山出鐵有冶鑄之利因以為名入谷便洪潦沸騰飛泉激射兩岸皆峭壁孤豎橫盤治谷凜然凝深常如八九月中朱明盛暑當晝暫暄涼秋晚候緼袍不暖所謂寒門者也又曰入冶谷二十里有百里槐樹樹北有泉名金泉谷中有毛原監五龍谷水水經注曰五龍水出雲陽宮西南

鄭泉在縣西四十里雲陽宮記曰漢鄭朴字子真隱於谷口高節不屈耕於巖石之下名震京師時人因子真

所居名為鄭泉

金泉雲陽宮記曰泉出數穴清澈無底雍州記曰有人飲此泉水見有金色從山中照水往取得金故名金泉

隋志有走馬泉鄭國渠

太白渠自西南四十里涇陽縣界取涇河水洪門六明  
三明來經縣入三原縣界溉民田

六輔渠

流金泊在縣東北一十里

古石蛇在縣西北四十里

漢故縣城在縣西北六十里

雲陽宮在縣西北八十里今在淳化縣界

通天臺在縣西北八十里

振錫寺在縣北一十五里嵯峨山上唐元和七年置

徑路神祠在甘泉山下漢書雲陽縣有休屠金人及徑路神祠三所越巫帖鄴祠三所孟康曰帖音辜磔之辜越人祠也鄴音穰屠音除音義曰匈奴祭天處本雲陽甘

泉山下秦奪其地後徙休屠右地郊祀志徑路神祠祭  
休屠王也

漢武帝廟在縣西

漢昭帝趙太后雲陵

文穎曰婕妤先葬於雲陽是以就雲陽為陵師古曰在甘泉宮南今

俗人呼為女陵

在故縣南漢書鈎弋趙婕妤昭帝母也史記曰

鈎弋夫人死雲陽暴風揚塵三秦記曰鈎弋夫人居甘

泉宮三年不反遂即葬之名曰思后墓昭帝即位追尊

為皇太后發卒二萬人起雲陵邑三千戶列仙傳曰鈎

弋夫人齊人姓趙少好清淨病卧六年右手拳飲食少  
望氣者云東北有貴人推而得之召到娑色甚佳武帝  
展其手得玉鉤而手尋展遂生昭帝後武帝害之及殯  
尸香一月昭帝即位更葬之棺空但有絲履雲陽記曰  
鈎弋夫人從至甘泉而卒尸香聞十餘里葬雲陽武帝  
思之為起通靈臺於甘泉宮有一青鳥集臺上往來至  
宣帝乃止

唐德宗崇陵在縣北一十五里

陵廟記在縣東北三十里

嵯峨鄉化



青村封內四十里下宮去陵五里

宣宗貞陵在縣西北四十里陵廟記在縣西十五里小王山谷口

鄉鄧村封內一百二十里下宮去陵十里

### 同官

同官縣唐畿西南至府二百一十里本漢殺襄縣之地上音地活反下虛羽反

屬左馮翊晉為頻陽縣十六國春秋曰苻堅於殺襄城

東北銅官川置銅官護軍後魏太武太平真君七年罷

護軍置銅官縣屬北地郡莊帝永安元年屬宜君郡後

欽定四庫全書

長安志  
卷二十

十一

周武帝建德四年自今縣東南十里同官故縣徙於今

治同字舊從金至是除金止作同字隋開皇二年改宜

君郡為宜州以縣屬焉大業二年省宜州以縣隸雍州

唐貞觀初又屬宜州十七年州廢復來屬天授二年又

隸宜州大足元年還雍州梁開平二年自京兆府析隸

同州後唐同光元年隸耀州

縣境東西一百三十里南北八十三里

四鄉管二百三村唐六鄉

丹青鄉在縣東管村六十二

神水鄉在縣北管村六十三

永寧鄉在縣南管村四十一

喜化鄉在縣西南管村三十七

縣城周一里無城壁

黃堡鎮在縣南三十里

文王山在縣西四十里

馬欄山在縣北

欽定四庫全書

長安志  
卷二十

十三

三泉山在縣東南三十二里白馬山在西北

女回山在縣境

同官川水在縣北五十里自坊州宜君縣界來經縣南

流入華原縣界水經注曰同官水出殺襄城東北而西

南經同官川謂之同官水

雄同川在縣東四十里西南與同官川水合流入華原

縣界

雷平川水在縣西北五十里入同官川水

烏泥川水在縣東二十五里入蒲城縣界

漢井泉水在縣東北三十里南合入烏泥川水

大石盤川水在縣東北五十里馬欄山北東流入坊州  
宜君縣界

亭子泉在縣東一里

栢榆泉在縣西南一里

弩臺二

一在縣北一里  
一在縣西南一里

高山女華神廟在縣北四十里其山層峯秀出每有大

風雷多從華岳至此舊說華岳女君在此山上人因立祠每水旱禱祈有驗焉

美原

美原縣

唐畿西南至府一百八十里

本秦漢頻陽之地屬左馮翊漢

書頻陽秦厲公置應劭曰在頻水之陽舊縣在今縣南

三里頻陽故城是周地圖記曰符秦時於此置土門護軍後魏太武太平真君七年罷護軍地入同官縣宣武景明元年省頻陽縣分銅官縣置土門縣屬北地郡因

縣界頻山有土闕狀如門故曰土門元和郡縣圖志曰  
頻陽縣以縣西北十一里有頻山秦厲公於山南立縣  
故曰頻陽又頻山有二土闕狀似門故曰土門隋大業  
二年省義寧二年復置屬宜州唐貞觀十七年省咸亨  
二年又析富平華原及同州蒲城縣置美原縣於土門  
縣故龍圖閣直學士趙公師民以為王翦請  
美田翦頻陽人美原蓋取美田以為名也天授二年

又置宜州縣仍隸焉大足元年還雍州天復中李茂貞  
墨制以縣為鼎州梁正明初改為裕州隸崇州後唐同

光元年復為美原縣屬耀州

縣境

東西五十六里  
南北三十三里

四鄉管七十一村

唐十二鄉元和元年析義林旌義二鄉隸富平縣奉豐陵十五年析龍原

鄉隸奉先縣  
景陵餘不傳

永定鄉在郭下管村二十一

通關鄉在縣西二十里管村一十一

勾龍鄉在縣西北一十里管村一十六

頻陽鄉在縣西南一十五里管村二十三

縣城周二里餘八十步崇一丈五尺

頻山在縣北一十八里秦將王翦此縣人

石疊山在縣北一十五里

萬斛山在縣東北二十里

金粟山在縣北一十五里

玉鏡山在縣西北一十里

明月山在縣西北二十里

玉女山在縣西三十五里

大石谷澗在縣北一十五里

小石谷澗在縣北一十里

勾谷澗在縣西北一十五里

三泉谷澗在縣西北上三十里

梁丘澗在縣西四十五里

頻陽故城在縣西南五里周六里餘一百五十步

廣武城南鹵原按後魏地形志屬頻陽縣

靈集觀在縣西三十五里

鳴鳳寺在縣東門外二百步

化城寺在縣西北二十里明月山上

真寂寺在縣西四十五里邑子山上

頻山神廟在縣西二十五里

秦王翦廟在縣東南一百步





長安志卷二十